

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
Broj: 65 0 St 442575 14 St  
Sarajevo, 12.12.2024. godine

Općinski sud u Sarajevu, stečajni sudija Mirsada Karahmetović, u stečajnom postupku nad imovinom stečajnog dužnika SARAJEVOLIJEK D.O.O. SARAJEVO – U STEČAJU, ulica Paromlinska broj 59, Sarajevo, zastupan po stečajnom upravniku Alečković Senadu, na prijedlog stečajnog upravnika, dana 12.12.2024. godine donosi slijedeće

### **RJEŠENJE**

1. Zaključuje se stečajni postupak otvoren rješenjem ovog suda dana 19.11.2014. godine nad imovinom dužnika SARAJEVOLIJEK D.O.O. SARAJEVO – U STEČAJU, ulica Paromlinska broj 59, Sarajevo.
2. Ovo rješenje ima se objaviti u Službenim novinama Federacije BiH i oglasnoj tabli ovog suda.
3. Po pravomoćnosti ovog rješenja, isto se ima dostaviti Odjeljenju za registar ovog suda, kome se nalaže da izvrši brisanje stečajnog dužnika iz sudskog registra, koji je upisan pod MBS 65-01-0339-13 (stari broj 1-2385).
4. Obavještavaju se stečajni dužnik, stečajni upravnik i članovi Odbora povjericilaca da pravne posljedice zaključenja stečajnog postupka nastupaju osam dana nakon objavljivanja ovog rješenja u Službenim novinama Federacije BiH.
5. Nalaže se stečajnom upravniku da neisplaćena sredstva po glavnoj diobi u iznosu od 3.771,23 KM uplati na depozitni račun Općinskog suda u Sarajevu otvoren kod BBI banke broj 1411965320009639, sa naznakom broja predmeta.

### **O b r a z l o ž e n j e**

Rješenjem ovoga suda broj 65 0 St 442575 14 St od 19.11.2014. godine otvoren je stečajni postupak nad imovinom stečajnog dužnika SARAJEVOLIJEK D.O.O. SARAJEVO – U STEČAJU, ulica Paromlinska broj 59, Sarajevo i za stečajnog upravnika imenovan Senad Alečković iz Sarajeva, ul. Behdžeta Mutevelića br. 59..

Nakon otvaranja stečajnog postupka stečajni upravnik je ušao u posjed imovine stečajnog dužnika, izvršio je popis imovine i pokrenuo sve sudske postupke u cilju naplate potraživanja koja je imao stečajni dužnik u trenutku otvaranja stečajnog postupka prema svojim dužnicima.

Stečajni upravnik je redovno izvještavao o radnjama koje je obavljao u toku stečajnog postupka, kako ovaj sud tako i Skupštinu povjericilaca, koji mu je davao sve potrebne saglasnosti koje su propisane u Zakonu o stečajnom postupku FBiH, a posebno saglasnosti u pogledu unovčenja imovine stečajnog dužnika, izvršenih

dioba koje je stečajni upravnik u toku postupka vršio, u pogledu pokretanja sudskih postupaka i zastupanja od strane punomoćnika, kao i svih drugih radnji koje je stečajni upravnik u ovom postupku obavio. Nakon što je stečajni upravnik unovčio imovinu, izvršio djelimične diobe, predložio je da se zakaže ročište za glavnu diobu.

Postupajući po prijedlogu stečajnog upravnika, dana 14.03.2024. godine održana je kod ovog suda Skupština povjerilaca stečajnog dužnika, odnosno ročište za glavnu diobu.

Na predmetnoj Skupštini povjerilaca stečajnog dužnika, odnosno ročištu za glavnu diobu, razmatran je između ostalog i prijedlog stečajnog upravnika da se izvrši glavna dioba na način da se namire povjerioci iz općeg isplatnog reda, obzirom da su povjeriocima u višem isplatnom redu isplaćena potraživanja u iznosu od 100%. Na ročištu za glavnu diobu stečajni upravnik je obrazložio i prijedlog glavne diobe, na koji prijedlog povjerioci nisu imali prigovora. Na istom ročištu sud je donio rješenje kojim je data saglasnost na prijedlog glavne diobe koju je sačinio stečajni upravnik 24.01.2024. godine, te naložio stečajnom upravniku da odmah izvrši diobu u skladu sa prijedlogom, kao i to da nakon izvršene diobe dostavi sudu izvještaj o izvršenoj diobi, sa dokazima.

Stečajni upravnik je podneskom od 17.09.2024. godine dostavio Konačni izvještaj u kojem je obrazložio tok postupka te naveo da je povjeriocima u višem isplatnom redu isplaćeno 100% priznatih potraživanja, a povjeriocima u općem isplatnom redu isplaćeno 38% priznatih potraživanja I-om diobom, 6,91% II-om diobom i 3,54535% glavnom diobom. Stečajni upravnik je sudu dostavio popis povjerilaca koji nisu isplaćeni po glavnoj diobi iz razloga jer povjerioci nisu dostavili brojeve računa stečajnom upravniku, te je predložio da se predmetna sredstva deponuju na račun suda a kako bi ista bila isplaćena nakon što navedeni povjerioci dostave stečajnom upravniku brojeve svojih transakcijskih računa.

Obzirom da na računu stečajnog dužnika nema više sredstava niti stečajni dužnik posjeduje imovinu koja bi se mogla unovčiti, predloženo je zaključenje stečajnog postupka.

Obzirom da je stečajni upravnik okončao postupak glavne diobe i u tom pravcu izvijestio sud i dostavio dokaze o izvršenoj diobi, to je sud odlučio zaključiti stečajni postupak i rješenje o zaključenju javno objaviti u Službenim novinama Federacije BiH, a sve u skladu sa odredbom člana 126 stav 1 i 2 Zakona o stečajnom postupku FBiH.

Ukoliko se eventualno naknadno pronađe imovina koja ulazi u stečajnu masu, te ispune uvjeti da se zadržani iznosi podijele stečajnim povjeriocima, sud će postupiti u smislu člana 128. Zakona o stečajnom postupku FBiH.

**STEČAJNI SUDIJA**

**Mirsada Karahmetović**

POUKA: Protiv ovog rješenja dozvoljena je žalba Kantonalnom sudu u Sarajevu u roku od 8 dana od dana objavljivanja. Žalba se podnosi putem ovog suda u tri primjerka.